



十駕齋養新錄

增5
608
/



門 5
第 608
卷 1-8

十知馬齋養
新錄二十卷
錄錄三卷



光緒二年丙子
浙江書局重刻

十駕齋養新錄序

十駕齋養新錄序

學術盛衰當於百年前後論升降焉元初學者不能學唐宋
儒者之難惟以空言高論易立名者為事其流至於明初五
經大全易極矣中葉以後學者漸務於難然能者尚少我
朝開國鴻儒碩學接踵而出乃遠過乎千百年以前乾隆中
學者更習而精之可謂難矣可謂盛矣

國初以來諸儒或言道德或言經術或言史學或言天學或
言地理或言文字音韻或言金石詩文專精者固多兼擅者
尚少惟嘉定 錢辛楣先生能兼其成由今言之蓋有九難
先生講學



上書房歸里甚早人倫師表履蹈粹然此人所難能一也先生深於道德性情之理持論必執其中寔事必求其是此人所難能二也先生潛挈經學傳注疏義無不洞徹原委此人所難能三也先生於正史雜史無不討尋訂千年未正之譌此人所難能四也先生精通天算三統上下無不推而明之此人所難能五也先生校正地志於天下古今沿革分合無不考而明之此人所難能六也先生於六書音韻觀其會通得古人聲音文字之本此人所難能七也先生於金石無不編錄於官制史事攷核尤精此人所難能八也先生詩古文詞及其早歲久已主盟壇坫冠冕館閣此人所難能九也合

此九難求之百載歸於嘉定孰不云然元嘗服膺曾子十篇矣曾子曰難者弗辟易者弗從故聖賢所能必爲至難若立一說標一旨卽名爲大儒恐古聖賢不若是之易也先生所著書若廿二史攷異通鑑注辯正元史藝文志三統術衍金石跋尾潛研堂文集久爲海內學者所讀矣別有十駕齋養新錄廿卷乃隨筆札記經史諸義之書學者必欲得而讀之乞刻於版凡此所著皆精確中正之論卽瑣言剩義非貫通原本者不能譬之折杖一枝非鄧林之大不能有也噫嘻難矣元於先生之學未能少測厓岸僅就所自見者於百年前後約舉九難之義爲後之史官傳大儒者略述之

嘉慶九年歲次甲子小雪日揚州後學阮元謹序

白序

芭蕉心盡展新枝新卷新心暗已隨願學新心養新德長隨
新葉起新知張子厚詠芭蕉句也先大父嘗取養新二字榜
於讀書之堂大昕兒時侍左右嘗爲誦之且示以溫故知新
之旨今年逾七十學不加進追惟燕翼之言泚然汗下加以
目眊耳聾記一忘十問字之客不來借書之紙久廢偶有咫
聞隨筆記之自慙螢爝之光猶賢博籥之好題曰養新錄不
敢忘祖訓也嘉慶四年十月書於十駕齋

十駕齋養新錄總目

卷一

易韻

六十四卦

六十四卦旁通圖

六十四卦兩象易圖

畜

觀

祇

力少而任重

傷於外者必反於家

易簡

河圖洛書

八卦方位

兌為妾為養

朱文公本義

說文引易

筮用錢

南訛

于於

有亂十人

思曰容

遵王之誼

藿

耄荒

苗民弗用靈

泯泯焚焚

矜

榮懷

魏三體石經

協句卽古音

葑

揚之水

陸氏釋文諄訊不辨

驕

曰與聿通

脩脩

以重言釋一言

鶴鳴九臯

諧

慤慤

云何盱

爰其適歸

臄

板

造

有郃家室

岸

壺

愬風

藎

降予卿士

毛傳多轉音

詩序

卷二

建柶誤作捷柶

摯

君之庶子

朴

混

紃

復

挈

媿

卅

笱當爲笱

糲

勉卽俛字

孺子

張老善頌

禮地神

使子路問之

祭場不舉

貸

朽與香對

斫

厭

素位

鬼神

的然

子贛

吳草廬中庸綱領

親民

譬

貪戾

修爵

王者禘其祖之所自出

寔來

曼

寫

陪

不闕秦焉取之

羊斟不與

感卽憾字

戍戍

乘

匱盟

吳行人儀

絳縣人七十三年

蔽

天厲

褚

徒兵

向戌如陳

高子容

且

大人患失

咋

妃牆

莒子狂

衡流而方羊

四方其順之

正義刊本妄改

何氏注公羊傳

孔子生年日月

卷三

天道

攻乎異端

又盡善也

冉伯牛

居下訕上

斯已而已矣

曾

程子言性中無孝弟

主一無適

天即理

忠恕

公孫拔

劉聘君

朱注引石經

朱子四書注避宋諱

論孟集注之誤

孟子章指

孟子正義非孫宣公作

宋高宗書孟子

好名之人一節

頑夫廉

衫衣

檢

齊人伐燕

簿

季任

張氏

鎡基

百畝之糞

楸棘

窳

將且

女叔

太歲

東陵汎

鈎股

蠡醜蝻

駟

王女

今本爾雅誤字

注疏舊本

經史當得善本

石經避諱改字

石經俗體字

陸氏釋文多俗字

卷四

說文舉一反三之例

說文連上篆字為句

說文讀若之字或取轉聲

二徐私改諧聲字

說文引經異文

唐人引說文不皆可信

說文本字俗借為它用

宋人不講六書

說文校譌字

瘞

奪

斟

與 粟姚 蝗 荷 中 繆 相 乘 條 空

錯 詔 枇 蔓 比 員 馨 若 馮 難

窆

崩

奔

客

崩

旭有好音

擗擗非一字

更

長溪高廣

代

繁

妹

古音不甚拘

倅卽舛字

畜有好音

需有稟音

徐仙民多古音

漸

假借乞

觀

一十九

差

蜂

長

阿

亢

兼

挑

冒

余

庫

從橫可讀去聲

免與脫同義

焉提

犢鼻褌

庵

床

所

函

汜

宋時俗字

卷五

孫炎始為翻語

細弄

聲類韻集

四聲始於齊梁

四聲圈點

翻切古今不同

一字兩讀

沈休文不識雙聲

韻書次第不同

唐宋韻同用獨用不同

平水韻

雙聲疊韻

喉舌齒唇牙聲

字母

西域四十七字

字母諸家不同

古今音

古無輕唇音

十駕齋養新錄總目

七

舌音類隔之說不可信

聲相近而譌

元時方音

卷六

三史

十三史十史

十七史

十八史十九史

監本二十一史

史記舊本

十二諸侯年表

角里先生

司馬貞

吳楚通稱

漢書景祐本

地理志譌字

臣瓚晉灼集解

漢書注本始於東晉

後漢書注攙入正文

張堪

章懷注多譌字

王充

陳蕃傳二郡字

孔融傳誤

許慎傳漏略

司馬彪續漢書志附范史以傳

安縣即婁縣之譌

平原有西平昌縣

永嘉年號

三國志注誤入正文

徐詳當有傳

新晉書

晉書敘例

新舊晉書不同

晉僑置州郡無南字

晉書沿襲之誤

濟陽乃濟陰之誤

樂安國鄒縣

吳興郡脫一縣

西郡非漢置

青州脫北海郡

濟岷郡

豫州之沛郡

幽州之燕國

內史太守互稱

沙門入藝術傳始于晉書

列女

嘉祐校七史

南齊書序錄

諸史殘闕

緹裙

夷齊字誤

官名地名從省

新唐書明皇二十九女

本紀一事重書而年月違錯

宗室世系表脫漏

德王裕本名佑

彭王惕

通王滋

沂王禔

宋景文識見勝於歐公

古律有陰減陰贖

加役流

斷屠月禁殺日

碑碣石獸

居官避家諱

大太二字易混

唐書

特勒當從石刻

劉禹錫傳誤

五代史

周世宗兩符后

劉昫傳不言修唐史

卷七

宋史刻本之誤

瀛國公紀

南渡諸臣傳不備

一人重複列傳

編次前後失當

神宗諡

地理志之誤

宋史褒貶不可信

藝文志脫漏

王安石傳誤

邵雍傳誤

劉應龍傳脫誤

折杖起於宋初

凌遲

戒石銘

宋太廟

宋人避軒轅字

宋世慶節

以年號為州縣名

花石綱

錢文紀年號

年號連書從省

田錫諡

范祖禹諡

景定建儲更名

張載諡

王安石狂妄

明道先生

程邵之學

宋儒議論之偏

宗室入翰苑

孔子諱

避老子名字

僧道不稱寺觀主

政和禁聖天等字命名

禁人名寓意僭竊

張懷素吳儲

李彥章言史學

張浚為黃汪所薦

張于湖對策

史浩薦張浚

沈尤同族

周孚先

秦檜妻賜號先生

范文穆與文正不同族

蘇門四學士

李士美狀元

薛昂

李心傳

李挺之

楊大年事不足信

劉高尙

卷八

宋季恥議和

四川宣撫

四川制置

沿江制置

兩淮制置

京湖制置

京湖

利州路分東西

湖東湖西路

襄陽暫復

復襄樊年月不同

喫菜事魔

吳潛建儲之謗

遼史

壽隆年號誤

西遼紀年

金史衛紹王紀

金史義例未當

金人多二名

地理志失載鞏昌府

一地異文

南遷錄

卷九

元史

元初世系

太祖紀

萬奴

伐西夏事差一年

李全事誤

旭烈兀大王

罕勉力即哈密

尋思干

趙世延楊朶兒只皆色目

不只兒即布智兒

祖孫同號

延祐四年正月肆赦詔

本紀失書廷試進士兩科

三公宰相表脫一年

元史不諳地理

漢人八種

咸寧字誤

興德字誤

迦堅茶寒

太宗三萬戶名不同

也可太傅

四辭怯

五部將名互異

汪世顯傳不同信

鄧州移復

胡土虎

李全字誤

月乃合

雍古

劉敏傳

元初十路

宣聖配享

泰定皇后

蒙古語

僧稱吉祥

道童

順帝後世次

高麗王二名

王暉傳位事不足信

高麗王大順

史臣分修志傳姓名可攷者

明史

程濟

洪武鈔

世襲五經博士始于明

元後裔

泰寧

河套

順義王俺荅

譯音無定字

卷十

三公

員缺

大尙書

大著作

五官

大學士

總督巡撫

唐人服色視散官

升朝官京官

前行中行後行頭司子司

吏部七司

尙左尙右侍左侍右

左右

度支支度不同

階官分左右

正議大夫以上分左右

選人七資四等

帥漕憲倉

庾司

四總領

十都統

直隸

州院

宜差

建康府通判二人

官名俗省

狀元榜眼

經義破題

題目疑難處上請

塗改添注

春秋合題

銓試

科舉之弊

文文肅殿試卷

鄉試錄

卷十一

江南

北漢下江

三楚

三蜀

兗州

山東

湖北湖南

四川

分天下為路

水經注難盡信

廣韻載唐州名

平州

薛

盱眙

牟婁

通州

大名府

泉州

新豐

石城

虎嘯城

蜀四帥府

水洛城

光化

沌口

李晏口

平水

秀水

青海

避諱改郡縣名

漢地理志縣名相同

後漢縣名相同

唐縣名相同

宋縣名相同

元州縣名相同

明縣名相同

卷十二

姓氏

姒

并官

卻邾二姓相溷

廣韻述氏姓

家譜不可信

郡望

杜康

鴟夷子皮

養由基

刀父

季襄

趙梁左強

莊彭祖

蔡伯偕

漢人不見於史者

徐巡

張徹

朱建安

謝超宗

王筠

漢人同姓名

異代同相名

晉人同姓名

晉書姓名互異

張元張元之

唐人同姓名

王宰

李播

盧貞

李翱

呂太一

陳子昂

李若水

王維王縉

王定保

韋應物

劉昫虛

宋人同姓名

古人號相同

古人姓名割裂

卷十三

詩傳附錄纂疏

儀禮注小字宋本

儀禮疏單行本

論語注疏正德本

國語

廣雅

玉篇

周成襍字

龍龕手鑑

六書正譌

文場備用排字禮部韻注

萬斯同石經攷

史記宋元本

竹書紀年

十六國春秋

吳越備史

唐書直筆新例

薛氏宋元通鑑

唐律疏義

史通

司馬溫公稽古錄

鼂公邁歷代紀年

胡五峯皇王大紀

東家襍記

孔氏祖庭廣記

東平王世家

聖武親征錄

平宋錄

祕書志

復齋郭公言行錄及敏行錄

明諸司衙門官制

文獻通攷

永樂大典

卷十四

太平寰宇記

輿地紀勝

會稽志

會稽續志

赤城志

嚴州重修圖經

新定續志

琴川志

金陵新志

太倉州志

浙江通志

江西通志

風俗通義

顏氏家訓

容齋隨筆

揮麈錄

履齋示兒編

史繩祖學齋佔畢

石刻鋪敘

癸辛雜識

夢梁錄

輟耕錄

湧幢小品

日知錄

池北偶談

天祿識餘

洗冤錄

證類本艸

星經

丹元子步天歌

數學九章

測圓海鏡細草

革象新書

寶鏡會天歷

三秣撮要

太乙統宗寶鑑

梅花喜神譜

文心雕龍

文選注

文選元槧本

宋名賢五百家播芳文粹

陸宣公集

韋蘇州集

臨川集

查氏注蘇詩

潘水集

野處類藁

鶴山大全集

陵陽先生集

石田集

金華黃先生集

偶桓江雨軒藁

曝書亭集

崇文總目

郡齋讀書志

趙希弁讀書附志

直齋書錄解題

策竹堂書目

元藝文志

卷十五

商已孫敦

睢陵家丞印

晉率善倓印

唐東都尚書兵部印

南漢銅鐘題字

宋金官印

日字銅牌

元常德路鑄造祭器題字

甘露寺銅鐘

豹字牌

禮器碑

析里橋廊閣頌

邵陽令曹全碑

蜀石闕

楊紹買地券

馮本紀孝碑

茹守福墓誌

北嶽神廟碑

雲麾將軍李秀碑

諸暨令郭密之詩

王顏追樹十八代祖晉司空碑

湖州府天寧寺石幢

楚金禪師碑

慈雲嶺石刻

竹林寺石幢

吳越武肅王庶碑

溪州銅柱記

石刻詩經殘本

經筵薦士章藁

趙崇雋壙志

永清縣宋石幢

史氏墓三碑

朝城縣令旨碑

勢都兒大王令旨碑

東鎮唐元碑

卷十六

詩句中有韻

雙聲亦韻

古人聲韻之密

雙聲

沈約韻不同於今韻

七言在五言之前

古詩律詩之別

陶靖節詩

聯句

詩集附它人作

杜少陵詩用韻

少陵生卒年月

飲中八仙

亞相

頻煩

友于

分減

少陵用薛據詩

韋左司

乾愁乾忙

句

十字

衛中立字退之

首藉盤

杜韋娘詩

李正封

借韻

唐人辨聲韻

金昌緒

胡釘鉸

李義山

晚唐詩

父母官

王介甫詩

蘇東坡詩

蔡確車蓋亭詩

江西派

鼉无咎詩

第一山詩

詩詞踏襲

一集中重複句

楊陸兩公年壽

放翁論詩

百家姓

楊誠齋詩

藟苴

宋正甫

迎富

後邨詩

論詩絕句

律詩失粘

水田衣

上下洞

颯颯

三橋

踏與踏異

辨邵堯夫水火土石

查初白

文選

御覽載孔融語

庾闡揚都賦

范縝神滅論

文筆

庾子山賦

傅奕詆浮圖法

陋室銘

宋子京喜韓柳文

原道

諱辨

河閒傳

古人文字不宜學

文集須良友刪削

曾王晚年異趣

七大家

老蘇族譜引

東坡跋語誤

喜雨亭記

東坡學韓柳

父子共一碑

歸震川

顧寧人

開化寺碑

四六

文人避家諱

題諱填諱

卷十七

圖經周率

王深寧引九章有誤

夕桀

六壬推行年

六壬十二神

太一

天一家

算盤

蓋天

九魁

河圖闔苞受

霜月

咸池

太陰

六秭

歲星超辰

置閏

二十四時

夜子時

回回算術

十干配合

刑德

河戒本河戍之譌

電父

雷公

大將軍

孤虛

歸忌

反支

奇門

九宮之神

六壬

卷十八

道

五倫

忠恕

言動

謙讓

義利

廉恥

方正

儉

止謗

改過

重人不重位

語錄

名

功過相除

朱文公議論平實

陳止齋不好辨

宋儒經學

道統

太極

六經注我

引儒入釋

知人之難

法後王

臣道

薦賢

黨籍

沈圭說

六先生

士大夫不說學

清慎勤

居官忌二事

科場

河防

通鑑多采善言

古語多有本

清談

文字不苟作

文人勿相輕

文人浮薄

詩文盜竊

釋氏輪迴之說

釋道俱盛于東晉

治生

卷十九

十駕齋養新錄總目

三

宋槧本

引書記卷數

陳椽

此脇

佚蕩

閒介

夫差

代友改字

婦人稱阿

老

借書

下走

關穿

奧懷

翠

易

非三公而稱公

宮中稱呼

婦人稱奴

小名鐵柱

五行命名

兩

大斗大兩大尺

錠

四柱

孝弟

褒成侯未嘗徙封

錢讓

袁高題名

六先生

義

漢唐金價

元寶

浙東斗尺

火耗

契姪

嘉祥縣南武山

錢翊

于頔茶山詩述

生日

生日獻詩詞

禁見任官生日受所屬禮物

爵里刺

宋名刺

齊物

梓潼神

魁星

道人道士之別

天師

碁局

籤詩

卷二十

吳郡志沿革之誤

吳地志

姑蘇志

長洲

松江

沈恭子

陸德明

陸暢

徐牛千

黃策

張伯顏

胡惠齋

李諒

滕甫知蘇州年月

程師孟無知蘇州事

章帖

楊景略

豐稷

岑仲翔

賀方回家藏書

程公闢

程氏蝸廬

韓世忠宅

范良器非翰林學士

惠元祐事不足信

富嚴墓

蔣彝墓

鄭絳墓

朱耜墓

楊懿孺墓

趙崇雋墓

同年醜唱詩

吳江學宋元碑

渡僧橋石刻

蘇州府儒學誌

十駕齋養新錄總目 終

序
 唐宋以來名公巨卿皆有年譜然必爵位功業道德文章炳
 曜一世而又克享大年則及身自為之而無忝後學代為之
 而足徵與國之史傳家之世系可互相參攷者也唐香山居
 士白文公自編長慶前後各集弁以年譜今集中所刻出於
 陳伯玉李德劭之手則公自編之譜久已散佚然公之年齒
 官階時事出處一一見諸詩集讀其詩而年譜即在其中矣
 嘉定錢竹汀宮詹甫晬能言母沈太恭人指玉而二字教之
 試以他書指認不誤與香山之生七八月乳母抱立屏下指
 之無二字百試不差者正同豈非文人偉業異世相符者乎

先生鍾光岳氣完之運立
堯舜賡歌之延年甫及艾養疴里門雖位止九卿功業未顯
而道德文章中外仰之如泰山北斗著述之富網羅百家沾
溉藝苑高麗使臣在都購其詩文集鬻諸國中與香山之日
本新羅鈔寫其本者亦復相似故翼謂先生卽我朝之自傳
也歲在庚申獲交先生從孫直卿學博以先生年譜見示壬
子以前先生自撰後十二年其曾孫又沂學博補編受而讀
之知先生少壯時所親炙者先達名流而後之同年儕輩門
生新進皆鴻博之碩儒詞章之宗匠尙論者可想見當時
國運之隆人才之盛而先生令名壽考全受全歸此又名公

卿年譜中所罕覩也憶嘉慶壬戌先生重游泮水翼年十四
歲不獲親瞻道範及與令孫竹孫學博同歲游泮禮宜晉謁
門下而哲人已萎徒深歎慕迄今天假之年龍鍾未死猶得
腆顏泚筆附名於一代大儒之譜末是則厚幸也夫咸豐十
年陽月旣望寶山袁翼謹撰於豫章郡寓齋時年七十有二

Blank page with vertical lines for text.

錢辛楣先生年譜

曾孫慶曾校注

竹汀居士年譜 手編自題

謹案公諱大昕字曉徵一字及之號辛楣又號竹汀居士姓錢氏先世鳳里公諱鑑明正德間自常熟鳳里贅嘉定之盛涇管氏遂世居嘉定先世譜系所自遷嘉時已失不可攷鳳里公生北郊公諱浦北郊公生順郊公諱炳順郊公生侍郊公諱珠侍郊公生公瞻公諱岐是為公曾祖

雍正六年戊申正月七日戊午戌時居士生於嘉定望仙

橋河東宅

謹案吾家自鳳里公始居盛涇再傳而析二支一居外岡一居望仙橋望仙橋鎮在縣城西十八里先大夫年逾三十尙未得子姑夫沈組佩先生言房門

錢辛楣先生年譜

不利當閑之而別啟戶焉如其言期年而居士生

謹案高祖中憲公諱桂發字芳五號小山縣學附生

以公貴封奉政大夫翰林院侍讀晉贈中憲大夫詹事府少詹事著有方壺吟藁三卷享壽七十有

九生於康熙三十六年至是年三十二矣沈諱張坊新陽縣庠生居嘉定以子魁官

七年己酉年三歲

居士甫周歲能言母沈太恭人指玉而二字教之更以

他書覆試即指認不誤時日家人陳百物於盤居士諦

視良久惟取一筆

謹案公集奉政公家傳云甫時即教以識字

八年庚戌年三歲

沈太恭人歸甯攜居士至外祖宅外祖喜其慧了引詣諸戚友家見堂上扁聯皆能成誦

謹案公外祖沈處士諱時俊居青浦之黃渡鎮

九年辛亥年四歲

十年壬子年五歲

始從塾師曾獻若先生問字

謹案奉政公家傳云比五歲授以經書稍暇即與講論前代故事詳悉指示俾記憶勿忘乃止如是者殆

十年曾公諱佳縣庠生中憲公業師

十一年癸丑年六歲

十二年甲寅年七歲

先大夫移居河西宅

十三年乙卯 年八歲

乾隆元年丙辰 年九歲

謹案是年中憲公入學公集中憲公行述云年幾強仕始受知於學使禮部侍郎桐城張公廷璐三上秋闈不遇杜門課徒自給

二年丁巳 年十歲

大父奉政公館望仙橋楊氏即從大父受業初學為八股

奉政公諱王炯字青文號陳人縣學生鄉飲大賓壽九十有二著有字學海珠三卷星命瑣言一卷以公貴贈奉政大夫翰林院侍讀奉政公夙精小學教以訓誥音韻公能貫通大意奉政公嘗謂此子

入許鄭之室無難也

自夏至冬病疥廢學

三年戊午 年十一歲

始應童子試

謹案是年邑令為咸甯黃公建中

四年己未 年十二歲

先大夫館外岡族父元禮齋從先大夫學

謹案外岡鎮在縣城西十二里元禮先生諱楷國學生與公同出北郊公

五年庚申 年十三歲

仍從先大夫在外岡書齋其夏復應童子試邑尊永嘉

林公諱上梓面試大加獎賞揭案名在第六先大夫攜
正居士謁謝公曰令子遠大之器不必欲其速售也

六年辛酉年十四歲

先大夫館族兄彥輝齋仍從先大夫學

謹案彥輝先生諱耀國學生與公同出順郊公又案中憲公行述初館元禮先生齋後館彥輝先生齋皆攜公自隨晨夕督課當是時舉業家皆不習詩生徒或私作韻語則父師相詬病以為妨於制義也中憲公獨喜教公為詩示以唐人安章宅句之法則公之始學為詩當在此三四年間是秋中憲公赴江甯鄉試公即攝館

七年壬戌年十五歲

是歲負笈入城從曹丹五先生學同筆硯者陸昌雅李

斗祥韓萬原徐毓洲諸君及先生之子習庵也

謹案曹封翁諱桂芳號檀濬歲貢生習庵學士名仁虎字來殷辛巳進士陸名授詩與公同入泮少年有才早世韓名本徐名瀛秀皆縣學生公詩集有徐毓洲讀書僧舍集杜詩相寄之作又嘗為記芥舟山房見文集

其夏復應童子試受知於學使內閣學士劉公諱藻覆
試日見居士方髻齡別置筆硯於它所試之較原卷更
佳次日復特招覆試以焉知來者之不如也為題試
畢獎勵甚至贈以筆墨數事公嘗語人曰吾視學一載
所得惟王生鳴盛錢生大昕兩人耳是時始與禮堂定
交外舅虛亭先生見居士文亦以為不凡明年始有昏

姻之約

謹案劉制軍原名玉麟字素存山東荷澤人丙辰博學宏詞王封翁諱爾達字非聞歲貢生子光祿諱鳴盛字鳳階號禮堂又號西莊公同年進士及第官內閣學士兼禮部侍郎左遷光祿寺卿早年與公齊名人稱錢王

八年癸亥年十六歲

仍假館曹氏

謹案曹封翁自外岡徙居城東顏其堂曰蓉鏡公乞假歸里時曾為作記見文集

九年甲子年十七歲

學使開公泰科試取一等第七名

謹案開制軍字兆新號敬庵滿洲正黃旗人甲辰進士時官兵部侍郎

是秋鄉試始與王蘭泉定交

謹案王少司寇名和字琴德號蘭泉又號述庵公同年進士居青浦縣之朱家角里又案是年十月公弟可廬先生

十年乙丑年十八歲

始授徒塢城顧氏其家頗藏書案頭有資治通鑑及不全二十一史晨夕披覽始有尙論千古之志讀東坡戲作賈梁道詩輒援晉書以糾其失中年見浙中新刊查注蘇詩已先我言之然居士年未弱冠攷據已有與前輩閤合者矣

謹案塢城在縣城東南四十里諸生顧公我澗公亞楨也是年延館其家公辨正蘇詩誤以司馬懿為司

馬師見養新錄卷十六

十一年丙寅年十九歲

仍授徒顧氏

讀李延壽南北史鈔撮故事為南北史傳一冊

謹案家藏公手書冊子十餘幅皆節錄南北史語并記云舟中攜有此書錄出數則以備兒輩遺忘蓋公少年篤好此書大半能成誦故取以為傳家之學

十二年丁卯年二十一歲

是秋應江甯鄉試同考官廣德州知州歷城曾公尙增

得居士卷奇之薦主司不見售

謹案公壽邵松阿舍人七十詩云同出南豐一辦真自注君鄉試出長清曾公房子出曾公薦為試官所

黜

十三年戊辰年二十一歲

四月學使尹公會一歲試取一等第六名

謹案尹公字元孚直隸博野人甲辰進士時官工部侍郎

八月祖母朱宜人歿

謹案朱宜人處士德臻公女年八十有二中憲公恪遵家法不作佛事

十四年己巳年二十二歲

巡撫覺羅樛軒公雅爾哈善聞予名檄本縣具文送紫

陽書院肄業時侍御王良齋先生為院長閱居士課義

詩賦論策歎賞不置曰此天下才也自是課試常居第

一青浦王蘭泉長洲褚鶴侶左莪及禮堂習庵皆在同舍以古學相策勵吳中老宿李客山趙飲谷惠松厓沈冠雲許子遜顧祿百亦引為忘年交

謹案公作習庵先生墓志構軒作樗亭侍御諱峻字次山常熟人甲辰進士鶴侶舍人名寅亮公同年召試賜舉人左莪學士名廷璋癸未進士李布衣名果趙徵士名虹惠徵士名棟沈徵士名彤許大令名廷鏢顧上舍名詒祿惠長於公三十餘年沈長於公四十年又案先是王少司寇肄業紫陽書院與王光祿同舍始知公功慧善讀書有神童之目及院長詢以今日人才則以公對院長轉告巡撫巡撫喜甚招公至院試以周禮文獻通攷兩論公下筆千言於是驚異院中諸名宿莫不斂手敬之

十五年庚午年二十三歲

學使崔公紀科試一等時松江士子亦赴崑山科試因得與黃芳亭趙損之張少華吳白華凌祖錫諸君交

謹案崔副憲字君玉號南有蒲州人戊戌進士時官祭酒黃司論名文蓮趙光祿名文哲壬午召試賜舉人以主事死金川難贈光祿寺少卿入祀昭忠祠張舍人名熙純皆上海人吳侍郎名省欽癸未進士南匯人凌上舍名應曾亦上海人與公同應召試

秋應江甯鄉試報罷

江甯翁朗夫到吳門特來訂交

謹案翁徵士名照號霽堂

其冬娶先妻王恭人贅居外舅宅

謹案王恭人為虛亭先生幼女事詳公文集卷五十

錢辛楣先生年譜

院長良齋先生以疾辭去代之者長洲沈歸愚先生也

謹案公詩集有用昌黎會合聯句韻送王良齋先生歸海虞之作沈文愨公諱德潛己未進士官至禮部尚書在院錄刊江左七子詩選七子者公及王光祿王少司寇吳竹嶼舍人趙損之光祿曹習庵學士黃芳亭司諭也書成風行於世賈舫有攜至日本者其國相高棟讀而善之為七律人贈一章寄估以達人豔稱之以為雞林之比

十六年辛未 年二十四歲

是歲

大駕始南巡江浙吳中士子各進獻賦詩大昕進賦一篇學

使番禺莊公滋圃選入一等有

詔召試江甯

行在

欽命題蠶月條桑賦指佞草詩理學真偽論閱卷官大學士

滿洲高文定公兵部侍郎休甯汪文端公刑部侍郎嘉

興錢文端公擬定一等二名

特賜舉人授內閣中書學習行走四月二日於揚州香草寺

行宮謝

恩特賜

御製生秋詩石刻其秋高文定公招至清江浦公署館於荷

芳書院西偏翁朗夫周讓谷莊培封皆在幕府意甚相

得

謹案莊協揆諱有恭己未進士及第高公諱斌汪相
國諱由敦甲辰進士錢尙書諱陳羣辛丑進士是年
與公同應 召試入中書者懷甯蔣公雍植全
椒吳公煊長洲褚公寅亮休甯吳公志鴻常熟孫公
夢達凡六人周刺史名天度壬申
進士仁和人莊公名搆陽湖人
又案試作刻入 南巡盛典詩見詩集卷三家
藏公手書試作賦詩沈文愨公評云灼灼狀桃花之
鮮依依盡楊柳之態尋條赴節情韻環周唐人律賦
中亦稱高手詩格並見大方時未揭曉也公入中書
有紀

十七年壬申年二十五歲

三月束裝入都過清江浦文定公復留住公署兩月乃
買舟送居士與讓谷北行到都僦舍繩匠衚衕與褚鶴
侶同年同廬始入內閣票籤房辦事每三日一入直十

日一直宿

謹案公清江浦懷舊詩壬申之夏渡清口固哉亭前
賦折柳自注云是歲相國高文定公具舟送予北上
同舟者仁和周君天度
陽湖莊君櫛及子三人

其秋會試不第移寓潘家河沿仍與鶴侶同居

十八年癸酉年二十六歲

在中書任暇與吳杉亭褚鶴侶兩同年講習算術得宣
城梅氏書讀之寢食幾廢因讀歷代史志從容布算得

古今推步之理

謹案梅氏文鼎有歷算全書大統書志
勿庵歷算書記中西經星同異攷等書

其秋移寓椿樹頭條衕衕

冬初王恭人自南來禮堂亦至恭人於途間邁疾幾殆到都調治兩月得痊

謹案王恭人行述有舟至楊村扶入肩輿昇至寄舍云云又案公著元氏族表於是年編始

十九年甲戌年二十七歲

正月始補中書額缺

三月會試中式第十九名總裁大學士海甯陳文勤公禮部侍郎野園介公內閣學士武進錢文敏公同考官編修甯都鈍庵盧公是科文敏公自撰策問條目闡中徧搜三場所得如王禮堂王蘭泉紀曉嵐朱竹均姜石

貞翟大川輩皆稱汲古之彥揭曉之次日

午門謝

恩文敏公謂諸公曰此科元魁十八人俱以八股取中錢生乃古學第一人也

殿試第二甲四十名

保和殿

御試欽取一名

圓明園引

見特改翰林院庶吉士

謹案陳公諱世倌癸未進士介公諱介福滿洲鑲黃旗人癸丑進士錢公諱維城乙丑進士及第盧詹事

錢辛眉先生手譜

十

諱明楷辛未進士時充第十四房考官紀文達公名
時獻縣人官至大學士朱學士名筠大興人姜大令
名炳章象山人翟
教授名灝杭州人

是歲移寓橫街讀漢書換次三統歷術四卷無錫秦文

恭公邀予商訂五禮通攷休甯戴東原初入都造居士

寓談竟日歎其學精博明日言於文恭公公即欣然與

居士同車出親訪之因為延譽自是知名海內

謹案秦尚書名蕙田丙辰進士及第公嘗為序味經
為類彙見文集文恭五禮通攷之作以徐氏乾學讀
禮通攷惟詳凶禮而周官大宗伯所列五禮之目鮮
能尋端竟委乃因其體例蒐羅眾說以成一書戴吉
士名震壬午舉人充四庫館纂修官書成授翰
林院庶吉士公集戴先生傳云以敝袍入京師一見
奇之即與
之定交

又案公集與戴東原書跋史
彌室友林乙稟作於是年

二十年乙亥年二十八歲

在庶常任是歲平定準噶爾凱旋恭進五言長律一百

五十韻頗為朝士傳誦

謹案見詩集卷

三刪存百韻

又案是年有三統

術衍序不載集中

二十一年丙子年二十九歲

在庶常任尚書休甯汪文端公侍郎新建袁文達公富

春董文恪公被

旨修熱河志屬居士與紀曉嵐任編纂之役其秋

大駕幸木蘭汪裘二公奏二人名即令扈從熱河就近採訪

排纂途中恭和

御製詩進呈

天語嘉獎由是館中有南錢北紀之目

謹案熱河即古武列水

狩苗朝觀

鑾輅歲臨永垂為法前朝絕域遂為文

聖祖建避暑山莊以

物聲明之地志成八十卷分

天章 巡典徠遠

行宮圍場疆域建置沿革暑度山水學校藩衛寺廟

文秩兵防職官宦蹟人物食貨物產古蹟故事外紀

藝文二十四門實通志承德府一州四縣而以熱河

名者地重體尊不得冠以府縣之目也裘尚書名曰

修己未進士董尚書名邦達癸丑進士恭和

御製詩見

詩集卷四

是歲京察教習介錢兩公移吏部以居上名列一等考

功司員以新例格之改入二等

二十二年丁丑 年三十歲

五月散館

御試正大光明殿試題石韞玉賦夏雲多奇峰詩

欽取一第一名授翰林院編修公事之暇入琉璃廠書市購

得漢唐石刻二三百種晨夕校勘證以史事輒為跋尾

收藏金石文字自此始

謹案賦見文集卷

一詩見詞垣集

又案公集中書舍人吳

君墓志銘作於是年

二十三年戊寅 年三十一歲

三月

御試翰詹諸臣於

正大光明殿試題瑾瑜匿瑕賦野舍時雨潤詩

欽取二等一名擢右春坊右贊善自受職後未盈一年遽膺

優擢非意計所及也是年奏充

武英殿纂修官又充功臣館纂修官

謹案賦見文集卷一詩見詞垣集是時禮部尚書大興何公國宗領欽天監精於推步每與公論宣城梅氏之學及明季利瑪竇湯若望羅雅谷日離月離五星諸表公洞若觀火於是有協同何公潤色地球圖之旨

又案是冬縣令介公玉濤舉鄉飲酒禮敦請奉政公為大賓黃髮即席觀者聳然起敬

又案公集一等公佟公傳一等伯傅公傳作於是年

二十四年己卯年三十二歲

在贊善任是春平定回部獻馘凱旋恭進七言長律

百韻

謹案見詩集卷五

七月奉

命充山東鄉試正考官戶部郎中葉公宏為副揭曉得任銳

錫等六十九人益都李文藻對策最優擢為第二按察

沈椒園先生於鹿鳴宴上首賀得人樂源書院院長宋

蒙泉先生賦詩一篇稱此科得人之盛還

朝復

命

召對養心殿西煖閣奏對良久

天語甚溫

謹案葉公字涵川浮梁人戊辰進士任公聊城人李公以進士令廣東遷司馬前公卒事詳公集李南澗墓志銘公疊掌文衡歷主書院講席門下士殆幾千人皆以經史金石詩古文辭相祖述其升堂入室者尤推李司馬邵學士晉涵及先外祖工部陳稽亭先生鶴也沈公名廷芳仁和人丙辰博學宏詞宋廉訪名弼德州人乙丑進士其詩有伊予久伏處憑軾觀羣鬪決勝卜其長億占每幸中蓋其時書院生中式者十有八人

是冬先大父奉政公終於里第年九十二

謹案奉政公事詳公集家傳記事及太倉州志程氏晉芳撰墓表又案公集山東鄉試錄序作於是年

二十五年庚辰年三十三歲

在贊善任三月充會試同考官分閱書經卷得進士十

一人館選四人知縣即用五人尋充續文獻通攷館纂

修官分修田賦戶口王禮三攷協修

起居注其秋遷翰林院侍讀冬奉

旨署日講起居注官以磨勘鄉試卷議敘紀錄二次

謹案本房十一人戴公望嶧李公臺沈公咸熙陳公本敬尤知名是科朱文正公同事禮闈文正好談星學詢公八字公辭曰頃新安友言現行已運為祿堂又犯三刑來年辛巳必無幸矣文正曰八字當論大

幾辛眉光平普

局刑衝未足為病足不久當遷官斷無
意外慮也已而果有侍讀之命
謹又案宋馬端臨文獻通考因杜佑通典而廣之析
分二十四門所述事蹟上溯黃虞下迄南宋嘉定明
王圻先有續書體例採雜顛舛叢生乾隆十二年
之嗣以古今同述例難畫一皇朝制度彙纂成
又有皇朝文獻通考實一時所為後續通典通志
皆然書中分門五朝依馬氏之舊皇朝增羣廟攷
一門子目則各有增損如公所纂田賦戶口增八旗
田制壯丁以今制所有而增也

二十六年辛巳年三十四歲

在侍讀任三月

大駕恭謁

泰陵卽幸五臺山以記注官

特派扈從途中恭和

御製詩稱

旨

上自五臺迴蹕出

御製游千佛洞五言古詩

特命賡和餘莫及焉

謹案諸詩見詩集卷五

以磨勘會試卷議敘紀錄一次其冬以

皇太后聖壽七旬覃恩中外京官例加一級循例得

馳贈大父為奉政大夫翰林院侍讀加一級大母為宜人

封父爲奉政大夫翰林院侍讀加一級母爲宜人

謹案公集有聖母皇太后七十萬壽頌序文及頌皆集經語爲之

是歲以心血耗煩始得不寐之疾

二十七年壬午年三十五歲

在侍讀任京察引

見記名一等五月奉

命充湖南鄉試正考官修撰王公杰爲副得了姓等四十六

人先是湖南士子以聞義謁學使吳雲巖先生凡數百

人雲巖決其必售者五人丁姓丁正心張德安石鴻翥

陳聖清也及撤棘姓果領解正心第二德安第四鴻翥

第五聖清第十六雲巖大喜作詩紀其事和者數十人

楚人至今傳爲佳話姓與正心從舅弟也雲巖因稱爲

雙丁榜回京復

命仍

召見養心殿西煖閣奏對久之

謹案王相國韓城人辛巳進士及第吳公名鴻仁和
人辛未進士及第吳公首唱一詩感主司操鑒之明
助諸生績學之實公和詩見詩集卷七副主司王公
嶽麓書院院長湘潭劉公元變長寶觀察遼海張公
滋及分校諸公皆有和作刻行爲壬午楚南唱和集
又案公集湖南鄉試錄序作於是年

二十八年癸未年三十六歲

在侍讀任以磨勘會試卷議敘紀錄一次五月

御試翰詹諸臣於

正大光明殿題江漢朝宗賦結網求魚詩

欽取一等三名擢侍講學士尋充

日講起居注官

謹案賦見文集卷一詩見詞垣集是年起居注告成詣乾清門入奏有恭紀詩

錫山秦文恭公奉

詔修音韻述微屬居士任編校所進條例皆居士具橐

謹案音韻述微與欽定音韻闡微相表裏闡微重字音而述微兼詳字義字數亦較闡微為多凡今義今音亦皆纂人以補向來字書所未備云

是歲先大夫與弟晦之入都父子兄弟聚首一堂極家

庭之樂

謹案公弟諱大昭號可廬國學生嘉慶丙辰薦舉孝廉方正賜六品頂戴以子亦軒先生諱東垣官封文林郎浙江松陽縣知縣著述十種先刊敘例行世

二十九年甲申 年三十七歲

在學士任是歲先大夫還里弟晦之留都門

謹案王恭人行述云我父於甲申歲來京師我母未修一日之養公官京師屢請堂上就養沈太恭人以水土不習不果行中憲公入都僅一年亦以水土不習南旋又案公集郭百構墓志銘作於是年

三十年乙酉 年三十八歲

在學士任京察引

見記名一等

謹案是年正月陪祀 祈年殿四月與錢璋石曹慕堂積粹齋三先生赴涿州恭迎 太駕還宿良鄉入清涼寺識清涼寺題名見文集

六月奉

命充浙江鄉試副考官正考官則祭酒曹公秀先也既具摺

謝

恩即奏請於使旋日乞假十日順道省親得

旨俞允行過泰安登泰山絕頂盡覽日觀天門之勝到浙入

闈後曹公忽病店臥床一月校閱之事皆一人任之揭

曉得陸飛等九十四人而邵晉涵潘庭筠翟均廉嚴城

皆一時之傑出者也撤棘後徧游西湖諸名勝各繫以詩還至吳門兼程抵家父母年近七旬聰明矍鑠陳氏妹亦歸寧親朋酌酒稱慶假滿星馳入都復

命

召見勤政殿東煖閣

天顏和霽垂問 父母年紀甚悉

謹案曹文恭公字沐持號地山新建人丙辰進士官至尚書陸公字筱飲仁和人性格高逸舉賢書第一不赴南宮試營自度航於西湖浮家泛宅有元真子風邵學士字與桐一字二雲餘姚人辛卯進士潘侍御字蘭垞錢唐人翟舍人字春陞仁和人嚴公字力闇杭州人又案公使浙日記揭曉後訪杭堇浦先生於萬松嶺謁座主錢文端公於嘉興里第九月二十五日抵家

錢辛眉先生手譜

家

設香案望闕叩謝
舉家歡喜親友稱羨以為盛事二十七日入城謁王
虛亭曹檀潛兩先生十月一日祀先二日掃墓六日
以假期已滿自家起行中憲公亦同往順道游錫山
金山抵淮上而還公胞妹
一配同縣躍雲陳公曦
又案游浙諸詩為使浙集今見詩集卷八文集泰山
道里記序浙江鄉試錄後序秦文恭公墓志銘作於
年是

三十一年丙戌年三十九歲

在學士任三月充會試同考官得進士十八人館選三人

分部一人

謹案會試分閱書經第三房館選尹開學壯圖
莊侍讀承錢韓觀察朝衡分部黃觀察符綵也

九月子東壁生

謹案先祖字星伯號飲石又號夢涵天姿聰穎狀貌
俊逸多鬚髯為人豁達大度銳於學問年十七補博
士弟子試輒高等鄉闈屢薦不售乃納粟入國學游
京師倉場侍郎劉公竹軒一見傾倒遂入幕中佐理
文翰凡有撰述多出所擬下筆千言略不加點於是
都中有小錢之日未幾南歸就儀徵阮公芸臺之聘
於浙西阮公與公有文字之契復愛先祖才加器重
焉讀書一過即通大義經史百家無所不覽而於詞
章尤所篤好中年以後淡於進取家居以典籍自娛
偶有所得纂為筆記喜東坡詩嘗欲輯諸家注釋斷
以己意詳加刪潤彙為一編未成而桐鄉馮氏本出
乃止為文不自珍惜隨作隨棄慶會每思搜集散亡
為家藏本而迄不多得書法精真行晚年專書蘭亭
日必一本寒暑無間在京師時與朝鮮貢使朴貞蕤
齊家相識是時貞蕤三入燕京矣中朝人物並為所
知歸國後有懷人數十章其贈先祖一篇云飲石名
家子妙年懷利器聊將練袞書暫當梅花寄我雖未
相映教子弟一以規矩無世俗愛憎之見聞讀書聲
則喜形於色慶會十歲時即取以自課策以敦品力

學恨未數月而遽見背

又案公集答李南澗書州判李君墓表邢孺人墓志銘舅氏沈君墓志銘孝廉胡君墓志銘作於是年

三十二年丁亥年四十歲

在學士任三月得傷寒疾幾殆吳生蔣源明醫理晨夕

來診視得愈

謹案吳大令字朗陵秀水人公乙酉浙閩所得士

六月妻王恭人歿於京邸居士幼多疾不任勞劇病後

精力覺不支重以伉儷之戚益有歸田之志其秋遂以

病乞假掌院劉文正勉留之固辭十月始得准假之

旨乃買舟南下冬至後始抵家時晦之已娶舊宅不能容權

借族兄葵園屋東偏居住

謹案王恭人年四十歲李司馬文藻為纂墓志銘先是王恭人以公年近四旬尚無子勸公置選爰納生曾祖母浦太孺人太孺人婉順曲從事堂上維謹治家事有法王恭人歿後大小事悉以畀之公數十年無內顧憂沈太恭人嘗謂公曰汝婦無出因納浦氏生一子而汝婦去世我側觀其言行動作頗知大體甚合我意且目前子女皆其所生汝當以嫡禮待之公因不更娶云劉文正公諱統勳諸城人甲辰進士官至大學士葵園大令諱裕國世系所自未詳宅在縣城東隅集仙宮之東

是歲始撰二十二史攷異

謹案本書自序云丁亥歲乞假歸里稍編次之歲有增益卷帙滋多

又案公集聖駕巡幸天津頌黃岷圃先生文集序集仙宮訪碑記王恭人行述祭王恭人文作於是年

三十三年戊子 年四十一歲

始買城中孩兒橋衙宅名其堂曰潛研乞新建曹地山先生書扁其春與妹婿陳葑耘借為西湖之游僦寓湖上留連旬有五日

謹案陳公諱曦以附貢生考充四庫館謄錄官議敘州同知乙酉年稱陳氏妹亦歸寧卽公配也詩集卷九有與陳公唱和湖上諸作

八月子東塾生

謹案叔祖字學仲一字子泉號石橋又號膠田廩貢生試用訓導署吳縣訓導以子竹孫先生諱師康官地封修職郎安徽徽州府祁門縣學教諭善隸草工山水著有月波樓詩彙

是歲編次宋洪文惠公年譜及陸放翁年譜成

三十四年己丑 年四十二歲

居士素慕邴曼容之為人謂官至四品可休且二親逾七旬當在里門待養而先大夫促之出謂來歲逢

國大慶備員侍從宜隨班朝賀乃於是秋再入都仍寓官

菜園上街

謹案是年五月公與王光祿吳竹嶼岑渚周松承諸先生游虎阜登千人石酌第三泉徘徊久之微雨作避石觀音殿識石觀音殿題名見文集又集中記湯烈女事跋石刻鋪敘跋藝圃搜奇跋鳳墅法帖作於是年

三十五年庚寅 年四十三歲

在都門與曹慕堂朱竹均陳伯思史文量游西山

謹案西山在順天府西為京師八景之一是年正月公與曹習庵張繡堂趙實君諸先生游白雲觀二月有西山之游三月同人入法源寺觀花訪得遼大安十年舍利函記十月訪菊城西極一時友朋之樂各有詩紀事見詩集卷十曹中丞名學閣公同年進士汾陽人陳公時官戶部

是歲始讀說文研究聲音文字訓詁之原閒作篆隸書

謹案公專論說文諸說見文集卷十一養新錄卷四

謹又案是年八月進萬壽頌見文集又集中說琉璃殿李公墓志銘與段若膺書按察宋公神道碑儒林郎曹公墓表作於是年又潛研堂詩序不載文集中公詩凡二十卷此初集十卷所手定也

三十六年辛卯年四十四歲

在都門充一統志纂修官

謹案大清一統志於康熙間年始纂輯成書二十年皇師平定伊犁拓地二萬餘里而府州縣之分併改隸與職官之增減移駐亦多與舊制有異同乃特詔重修後西域諸回部滇南諸土日相繼內附又平定兩金川幅員益廣亦並載焉

是歲撰次金石文跋尾六卷成益都李南澗為刊板與

族子玷校正白虎通廣雅

謹案族祖字獻之號十蘭甲午副貢生陝西乾州通判著作甚富又精小篆書與公同出順郊公又案公集與一統志館同事書贈邵台南序王太宜人墓志銘徐良輔墓志銘作於是年又有與趙損之書見趙所著姬隅集

三十七年壬辰年四十五歲

是春補翰林院侍讀學士會試充磨勘官

殿試充執事官尋充三通館纂修官

謹案乾隆三十二年

救撰續通典通志及

皇朝通典通志其時續文獻通考已成公手定通志

凡例分別子目增刪皆

臻盡善總纂深以為然

又案公集擬續通志列傳凡例續通志

列傳總序祭錢文敏公文作於是年

三十八年癸巳年四十六歲

在學士任正月奉

旨入直上書房授皇十二子書寓澄懷

賜園與汪閣學持齋同宅皇四子贈詩有穿徑偶同開府

宅得朋還勝子雲居之句皇六子亦贈對聯云曉漏

連趨青瑣闥晴窗遮草綠蕉書是歲端午

賜羽扇蒲扇貢葛鄭宅茶香袋等物十一月擢詹事府少詹

事十二月二十三日立春進帖子有湖筆銀硃彩牋之

賜二十七日

召入乾清宮西煖閣

賜御書大福字除夕

賜貂皮鹿尾全鹿黃羊雉魚等物

謹案汪少司空諱廷璵戊辰進士及第鎮洋人為先

祖外舅其時儀親王亦贈書聯云品格方於玉界

尺文章華似錦屏風并云此雖舊語惟先生品學方

足當之成親王又時出所作詩文相質兼問小學

篆隸

源流

又案是春

詔儒臣校永樂大典擇世所未見

之書將刊布以嘉惠學者公手鈔易稽覽圖寶刻類

錢辛眉先生年譜

三

編序而藏之序皆見文集又中興學士院題名序總
兵許公神道碑盛涇先塋之碣作於是年十一月總
督倉場倪侍郎承寬招同年友集寓邸觀宋元
人畫二十餘種公為記趙居廣畫亦見集中

三十九年甲午年四十七歲

正月八日

上幸重華宮賜宴內廷諸臣以四庫全書為題聯句二十八

人居士與焉四月京察引

見奉

旨准其一等七月奉

命充河南鄉試正考官侍讀白公麟為副得劉師柔等七十

一人撤棘後束裝將北行復奉提督廣東學政之

命

諭以即赴新任不必來京請訓隨取道江北江右入粵於十

一月到任嶺南氣候和煖嚴冬無冰雪花木豐茂不異

春時學署有南漢九曜石宋人題殆徧公務之暇屏儉

從婆娑石閒拂拭題刻蕭然如寒士也

謹案白公字應雍湖州正白旗人癸未進士九曜石
有熙寧六年金君卿等七年陳師孟等金君卿等元
豐元年曾布等紹興十三年詹文舉等淳熙十六
年鄒飛熊等嘉熙三年陳疇等四年黃朴等題名
又案公集河南鄉試錄序彙硯集序紀王廟碑跋新
唐書糾謬作於是年公校錄新唐書糾謬間為疏證
刻入鮑氏延博知不足齋叢書中

四十年乙未年四十八歲

在廣東學政任申嚴月課之令每季親出題委教職申
解課卷至院親閱而甲乙之士子無敢托故不與課者
按試肇慶羅定韶州三屬生童卷盈千累萬皆由親閱
又以士子多不冝讀經每考試經題務避熟擬四書藝
雖可觀而經義違失者痛斥之仍榜示某某卷以荒經
遺落之故自是諸郡聞風童子皆知讀全經矣前政歲
科試優等太少各學廩增多不足額閱其試藝優劣亦
無大懸殊乃稍寬優等名數以鼓勵之五月試韶州畢
將抵南雄途中忽得先大夫之訃以四月二十四日下
世悲慟欲絕即委屬齋印信交巡撫德公保代奏而星

夜北歸六月杪抵家

謹案公在粵中念中憲公精力尙健夙有登臨之興
嶺南山水奇秀寓書迎養中憲公欣然規往乃命公
弟可廬先生偕王鶚起鳴韶周墨厓楠兩先生先赴
粵佐校閱而自率諸孫於仲夏起行公試畢韶州私
計中憲公南行有日遣人前詣迂伺不料中憲公於
四月月中旬偶感熱疾在苒旬餘遽至大故年七十有
九凶間至公號慟欲絕兼程北歸三旬始抵廬次寢
苦茹素一如古禮每一展視手澤憬然慨慕居憂未
幾鬚髮盡白蓋悲動於中不自知其哀毀也
德文莊公字懷玉滿洲正白旗人丁巳進士
又案公集太子少保莊公墓志銘優貢
生楊君墓志銘中憲公行述作於是年

四十一年丙申年四十九歲

在家讀禮鬚髮盡白

謹案公集復倪敬堂書李
南澗墓志銘作於是年

四十二年丁酉 年五十歲

八月服闋以沈太恭人年屆八旬不復入都供職秋杪

四游洞庭東西山

謹案洞庭山在蘇州府西太湖中訪得宋范至能題名越二十年丁巳始推拓著錄之

是歲以

孝聖憲皇后升祔覃恩

贈先大夫中憲大夫詹事府少詹事先母自宜人進

封太恭人居士亦例

授中憲大夫妻王氏

贈恭人

謹案是秋婁東張君秉忠為繪小像王鶴谿先生為補花木竹石取陶公吾亦愛吾廬及此中有真意之句名曰吾廬真意圖乞同里諸君子詩之公歿後是卷失去越二十餘年姚守庭丈廷鏞以重價得之以遺慶曾慶曾喜舊物之復還感守庭之好事又請近時之工詩者續為題詠以紀其事題不踰鄉里猶前志也

又案是冬至婁東舟中讀抱朴子內篇著納音說見文集又錢氏祠堂記郭允伯金石史序答盧學士書跋陳文貞公詩卷同知彭君墓志銘作於是年

四十三年戊戌 年五十一歲

是春紹興秦石公太守招游南鎮及蘭亭

謹案秦公名廷莖北平人南鎮即會稽山在紹興府東南古防山也上有陽明洞即道書第十一洞天唐封為南鎮蘭亭在紹興府西南蘭渚山

夏初總督高文端公延請為鍾山書院院長居士雅不喜為人師而家居貧約不無藉束修以供甘旨江甯去家不遠歲時便於定省乃勉應之五月到院與諸生講論古學以通經讀史為先課試之暇與袁簡齋嚴冬友諸公為文酒之會城內外諸名勝屐齒幾徧

謹案高相國名晉袁大令名枚錢塘人已未進士時居倉山之隨園嚴侍讀名長明江甯人以

試入中書公詩集有與兩公唱和之作又案廿二史攷異自序戊戌設教鍾山講肄之暇復加討論間與前人閤合者削而去之或得於同學啟示亦必標

其姓名又案公集後漢書年表後序跋僧明淨書心經及法華經序跋義門讀書記答袁簡齋書雙節門銘菩提

寺碑記汪南有傳作於是年又有答汪進士輝祖書見汪所著雙節堂贈言集錄槎溪程氏支譜序皆不載集中

四十四年己亥 年五十二歲

在江甯訪求金石刻手拓吳天璽紀功碑及梁始興安

成吳平三碑所得南唐宋元石刻甚多

謹案吳天璽元年巖山紀功碑在江甯縣學尊經閣下梁始興忠武王碑在上元縣黃城村安成康王碑吳平忠侯蕭公碑亦並在上元安成碑文已磨滅獨其額存故公跋尾中不及

上元談泰善算術來從居士游授以古今推步異同疏

密之旨

謹案談孝廉字階平

其冬與孫季仇秀才游茅山

謹案孫觀察名星衍陽湖人丁未進士及第始以詞章知名後精研攷據未幾亦受業於公是冬同游茅山訪碑尋陶隱居舊館壇碑不得公集有游茅山記又金陵石刻記序贈談階平序答盧學士書施節婦傳資政大夫王公神道碑虛亭先生墓志銘皆作於是年

四十五年庚午年五十三歲

是春

聖駕南巡與在籍諸臣至淮上迎

駕進

南巡頌一冊

賜緞二端復還江甯春夏之交兩日漸眩引疾辭歸而總督

薩公載固留之時方設局續修

南巡盛典因請居士總其事

謹案南巡盛典先經大學士兩江總督高公晉撰次奏進賜製序文刊行書成於庚寅之冬述辛未至乙酉聖駕五巡江浙因有續修之舉鉅典是年又案元氏族表於是年編成公集廿二史攷異序淮南子天文訓補注序張太夫人祠堂記作於是年又有王太夫人八十壽序不載集中

四十六年辛丑年五十四歲

居士在鍾山四載士子經指授成名者甚眾而江浦韓

明府廷秀上元董方伯教增鮑文學璉宣城孫州牧元

昭尤所獎賞者也

謹案韓孝廉字紹宣董制軍字觀橋丁未進士及第鮑文學字文石

夏未歸省太恭人雖起居如常而飲食漸少居士心憂之遂不赴館侍太恭人湯藥兩月餘竟不起時九月十

四日也其冬合葬先大夫及太恭人於練祁祖塋之右

謹案沈太恭人年八十有二袁大令枚為撰墓志銘族祖澗亭教授塘為撰行略練祁祖塋公曾祖公瞻公主穴奉

政公居左

謹案公金石跋尾凡四集此第二集也後刊三集四集首葉標利貞二字別之姚明府號半塘公丙戌

本房所得士時令嘉定又案公集關中金石記序凌竹軒墓志銘作於是年

是歲鉅野姚學甲為續刊金石文跋尾七卷

四十七年壬寅年五十五歲

居憂足跡不出戶撰次廿二史攷異成凡百卷又撰次

家藏金石刻目錄以時為次凡八卷名曰金石後錄

謹案廿二史攷異於是年編定後有所得為攷史拾遺凡三史五卷諸史五卷金石後錄後更名金石文字目錄因前人已錄之也

子東壁入縣學

謹案是年學使南昌彭文勤公科試又案公集周氏族譜序詹事盧公神道碑墓志銘作於是年

四十八年癸卯年五十六歲

是夏大興黃符綵知台州府招游天台山

謹案黃公字蘭陔公丙戌本房所得土台山在台
州府公登天台由高明取道佛隴入大慈寺訪得元
和智者大師
修禪道場碑

又案是秋公親挈先
祖至江甯應鄉試

臘月服除有司敦勸入都供職而衰疾日臻兩目昏眊
遂無出山之志矣

謹案公集記建炎官印張先生墓志銘作於是年張
先生元配公族姑也丁酉冬乞假里居與先生往來
最密嘗謂公僕老矣身後之文願以屬吾子及公再
入都奉諱南回則先生即世再易寒暑矣是年先生
之孫璉述事
狀乞公銘

四十九年甲辰年五十七歲

春二月將往淮上途間忽得風痺之疾兩足不能行動

大小便幾不禁到家自謂必不起矣族弟希文善醫診
居士脈曰可治投以東垣補中益氣湯數劑之後始有
起色調治百餘日乃得扶杖而行病中自編年譜一卷
又記生平所見碑刻家中未有者三百餘種附於金石
後錄之末凡二卷秋後腰腳稍健而目力益衰入夜不
能見物

謹案是年
聖駕六巡江浙公將與在籍諸公
駕淮上未達
行在邁疾而還希文

先生諱肇熹號敬亭縣學生與公同
出北郊公醫學詳公所撰墓志銘
又案公稱年譜編於是年今家藏本實訖於壬
子是後或每年增入或壬子歲續編未敢知也

子東塾入縣學

金三抄夕左全詩

謹案是年學使謝

又案公集跋能改齋漫錄補瓢韓先生墓志銘通

五十年乙巳年五十八歲

是年巡道章公延主婁東書院

謹案章公名攀桂

五月竹初先生招至甯波府游天童育王二寺

謹案竹初先生姓錢氏名維喬武進人文敏公之弟時令鄞天童寺在鄞縣東六十里育王寺在鄞縣東五十里育王山下

八月長男東壁娶婦汪氏

謹案先祖母工部侍郎持齋先生諱廷瓊季女通文翰楷法甚工常為公抄錄著述

又案公集跋黃山谷書范滂傳跋太倉文略春屋草堂詩集序記生朝作於是年又有質直談耳序不載

五十一年丙午年五十九歲

在婁東讀王元美四部彙續彙因為撰年譜一卷歲暮

撰通鑑注辨正二卷

謹案是秋江甯鄉試公挈先祖輩同往始因學使謝侍郎識儀徵阮宮保元是時宮保方以諸生應舉公引為忘年交先是同縣李方伯廣芸受業於門公每以古學相勵是科主試為朱文正公以鄉黨命題公許阮李兩公必售榜發果然

又案公著洪文敏王伯厚年譜不載手編譜中當係壬子以後所編公集跋文壽承休承書跋弁州四部彙跋弁州山人續彙作於是年又有資善禪寺飯僧田記不載集中

淺辛眉先生年譜

尾

五十二年丁未年六十歲

正月次兒東塾娶婦朱氏

謹案叔祖母為國學生寶山寄園朱公名淮長女以子官 贈封八品孺人

三月往甯波府撰鄞縣志三十卷五閱月而告成范上

舍懋敏招登天一閣觀所藏金石刻因為撰天一閣碑

目二卷

謹案是時竹初先生猶宰鄞縣修志延公為總纂范上舍即天一閣主人碑目與其書目並刊行

秋復到婁東歲暮歸里撰次古今文人生卒年壽可攷

者始鄭康成訖戴東原凡四卷取左氏有與疑年使之

年語名之曰疑年錄

謹案今海鹽吳氏刊本疑年錄東原先生後有蔣心餘至邵二雲六人則是後所續錄也是編大抵取古今文人之有功經史者錄之故功名節義才技奇能雖盛有名或亦不登此攷史之餘事所以志景行也吳氏修付梓時曾編續錄四卷依傍門戶去取猶嚴近人有取全史之人不問賢愚悉皆著錄名曰廣疑年錄自矜該備譏是編為漏略可謂不知妄作矣

又案公集跋薛氏義瑞堂帖跋東坡書醉翁亭記跋竹園壽集卷跋石鼓文宋拓本漢瓦當硯銘抱經樓記天一閣碑目序左氏傳古注輯存序史記志疑序歸震川先生年譜序鄞縣志辨證鄞縣志局與同事書曹公神道碑學士曹君墓志銘瞿封翁墓志銘作於是年

五十三年戊申年六十一歲

在婁東十一月巡撫閔公延請明年主蘇州紫陽書院

謹案公主講婁東三載所賞一時之彥有陸公元吉學欽楊公雲璈雲煜李公錫恭王公洲汪公學銘胡

錢辛眉先生手書

畫

公金誥蕭公掄沈公端靖閔中
丞名鶚元嘉善人已丑進士

十二月九日東壁舉一子居士第一孫也大父生於康
熙戊申居士生於雍正戊申今舉長孫亦以戊申因命
之曰阿同取康成小同之意

謹案先君諱師慎字許庭早慧入塾塾師吳明經凌
雲極賞之作文援筆立就不假思索小試不利援例
入成均體素羸弱幼多疾病嘉慶戊寅遭先祖之喪
哀毀逾常鬱鬱不自釋不逾年而歿年僅三十有二
遺孤一即不肖慶曾也

是歲撰次金石文跋尾復得六卷

謹案公集跋陶淵明集跋咸淳毘陵志習庵先生詩
集序知府張公墓志銘鶴谿子墓志銘作於是年又
有贈青溪三子序不載集中

五十四年己酉 年六十二歲

正月到紫陽書院

謹案紫陽書院舊院長為蔣侍郎元益於去冬謝世
中丞閔公博訪輿論惟公克稱斯席遂以公品粹學
淳居鄉端謹入奏公追憶四十年前賴名師益友
得闕古人堂奧乃奮然以振興文教為己任諭諸生
以無慕虛名勤修實學由是吳中士習為之一變

是春校勘應邵風俗通義并刺取他書所引逸文補之

謹案是書刻入盧學
士文昭羣書拾補中

十月七日東塾舉一子居士第二孫也名之曰阿詒是
冬重訂金石錄前後收藏共得二千通與趙明誠著錄
之數恰同但趙所錄訖於五代居士所藏訖元而止明

碑雖有名者亦不著錄較趙氏似稍過之

謹案公自丁丑歲收采金石文字以攷正經史凡知交歷官居鄉之地莫不徧託搜羅至身所經歷山厓水畔覺宮梵宇有斷碑殘刻必剔蘇拂塵摩挲審讀或手自椎拓積三十餘年遂成巨富著跋尾入百餘篇每積二百餘篇輒為門弟子轉寫付梓故先後共成四集其目錄入卷隨時增補至公歿後祖姑夫瞿公中溶許公希冲校刊時又不止二千通云

五十五年庚戌年六十三歲

在紫陽書院是秋恭遇

聖壽八旬大慶於六月中由水道入都七月廿九日到京寓

謝金圃先生邸又移寓邵二雲編修邸八月十三日

上升殿受賀隨班行禮前三日進呈頌冊留

覽廿二日出都門由清苑至定州游曲陽嶽廟自真定至隆

平縣取道廣平大名至濟甯登舟十月抵家

謹案是年三月校錄五代會要六月初北上遇梁山舟學士於淮上連舟抵都迎駕南石槽所進頌冊特蒙宸覽載入萬壽盛典稽文恭公來訪寓邸談竟日還過定州游天寧寺訪得蘇過題名舟次手錄安南志略十五卷餘卷先大父飲石公所足又案公集羣書拾補序杜詩雙聲疊韻譜序甌北集序跋翰苑羣書荆宜施道陳公墓志銘作於是年又跋清華齋趙帖不載集中

五十六年辛亥年六十四歲

在紫陽書院三月次孫阿詒殤又第三女及長孫女相

繼殤東塾亦患病甚劇幸醫治無恙

謹案公女子子三長適同縣附貢生湖南布政使司理問木夫瞿公中溶次適青浦附監生默癡許公希冲三殤於是年得年十有一長孫女先祖長女也

讀洪氏翰苑羣書因為補唐學士年表乾符以後五代學士

年表宋學士年表治平至靖康各一卷

謹案三表李許齋方伯校刊於嘉興

撰元氏族表四卷補元藝文志四卷

謹案公少讀諸史見元史陋略謬欲重纂一書又以元人氏族最難攷索編為一表而後人所撰二史藝文亦多未盡更搜輯補綴之其餘紀傳志表多已脫稟借未編定是年精力少差先以氏族藝文二彙繕成清本又有元詩紀事若干卷以稟屬從祖同人及陶梟香兩先生編次成書

又案是年讀孫逢吉彥同職官分紀改正三十八卷中錯簡集中跋文及御史王先生墓志銘作於是年又有虎阜志序不載集中

五十七年壬子 年六十五歲

在紫陽書院閏四月八日東塾舉一子名之曰阿閏

謹案從父諱師康字鄭鄉號竹孫癸酉拔貢生充武英殿校錄官選授安徽祁門縣教諭終於官舍又案是年元和戈上舍宙襄為刊通鑑注辨正又案公集世緯序古文尚書攷序西魏書序跋徐夔鈞磯文集跋楊忠愍公獄中與鄭端簡手簡何桐蓀墓志銘作於是年公手定年譜止於是年以後十二年慶曾所敬述也

乾隆五十八年癸丑 年六十六歲
 主講紫陽書院公在紫陽最久自己酉至甲子凡十有
 六年一時賢士受業於門下者不下二千人悉皆精研
 古學實事求是如李茂才銳之算術夏廣文文燾之輿
 地鈕布衣樹玉之說文費孝廉士璣之經術張徵君燕
 昌之金石陳工部稽亭先生之史學幾千年之絕學萃
 於諸公而一折衷於講席餘如顧學士純茂才廣圻李
 孝廉福陳觀察鍾麟陶觀察樑徐閣學頌潘尙書世恩

竹汀居士年譜續編

曾孫慶曾敬述

乾隆五十八年癸丑 年六十六歲

主講紫陽書院公在紫陽最久自己酉至甲子凡十有
 六年一時賢士受業於門下者不下二千人悉皆精研
 古學實事求是如李茂才銳之算術夏廣文文燾之輿
 地鈕布衣樹玉之說文費孝廉士璣之經術張徵君燕
 昌之金石陳工部稽亭先生之史學幾千年之絕學萃
 於諸公而一折衷於講席餘如顧學士純茂才廣圻李
 孝廉福陳觀察鍾麟陶觀察樑徐閣學頌潘尙書世恩

戶部世璜蔡明經雲董觀察國華輩不專名一家皆當時之傑出者也 公集經義雜記序跋鳳墅法帖三夏烈女傳張太孺人墓志銘述庵先生七十壽序作於是年

五十九年甲寅 年六十七歲

春校刊廿二史攷異至新舊五代史 六月與段茂堂袁又愷戈小蓮瞿鏡濤諸公閱道藏於元妙觀羽士袁月渚導觀宋孝宗御書通神庵石刻并拓本見詒 校長春真人西游記 十月至朱家角訪王少司寇時少司寇

予告回籍養疴謝客公至登其臥樓談竟日公與王光祿王少司寇爲總角之交又甲戌同年進士公歸田時光祿先以居憂在家服闋不出又二十年而少司寇在籍青浦相距不百里興至輒扁舟互訪聚首之歡不啻同官京華時也吳中文酒宴會延公及兩王公爲領袖時有江南三老之目 公集黃陶庵先生像贊跋范忠宣公除右僕射告跋長春真人西游記吳興閔氏家乘序作於是年又有黃忠節公年譜序李書田詩集序織雲樓詩合刻序問字堂集序明金元忠詩集序賈太夫人壽序張太夫人夏氏傳王荷坡墓志銘不載集中

六十年乙卯 年六十八歲

自春至夏覆校宋史攷異付刊 秋始患兩耳失聰

公集棠樾鮑氏宣忠堂支譜序跋元統元年進士題名
錄跋四書纂疏跋潛虛跋宋拓鐘鼎款識黃松石先生
墓志銘孝廉蔣君墓志銘陸松園墓志銘知府馮公墓
志銘作於是年又有重修寶山縣學宮記網師園記熊
氏家譜序熊封翁家傳不載集中

嘉慶元年丙辰 年六十九歲

是歲恭逢

朝廷

遺詔到縣設幕舉哀公感念

先帝眷注猥以筋力衰積涓埃未報伏地哀號感動行路

仁宗睿皇帝親政詢公在家狀朝臣寓書勸駕公輒以老病婉

言謝之 校定臧氏經義雜記 七月校刊金石文跋

尾三集成 公弱冠時卽有述作意讀書有得輒爲札

記仿顧氏日知錄條例後著各書卽於其中挹注又去

其涉於詞華者尙哀然成集是年重加編定題曰十駕

齋養新錄 公集太康馱硯銘海鹽縣瑞麥記經籍纂

詁序說文新附攷序學士邵君墓志銘作於是年又有

石梁詩草序衣德堂詩集序養新錄序一潛居制義序

黃忠節公墓田記侍郎吳公墓志銘不載集中

五年庚申 年七十三歲

二月游西湖與中丞阮公臬使秦公暨梁山舟曜北陳
曼生諸先生唱詠流連旬日而去 八月至吳江之盛
澤鎮應其地沈氏之招舟次爲王旭樓鯤跋徐虹亭太
史山水卷 先是制府汪公志伊撫吳與公尤交好時
相過從討論宋儒名理格致誠正之功每相對兀坐蕭
然忘晷汪公好談星學術者有言其頃在申運恐有不
利汪公深以爲慮見諸吟詠郵筒遠寄公爲作星命說
遺之道子平之妄見文集卷三又集中嚴半庵墓志銘

嵇靜園墓志銘作於是年又有重刊國語序元史藝文
志序旌孝集序施小鐵詩集序廿二史劄記序小蓬萊
閣金石文字序徐尙之詩序顧南雅時文序與顧千里
論平宋錄書海甯馮氏兩世墓碣不載集中

六年辛酉 年七十四歲

三月黃部曹丕烈爲刊元史藝文志成作後序 四月
游虞山 是年長興令邢公澍延公及可廬先生總修
縣志可廬先生留館邢署公於課士之暇泛舟茗谿商
榷條例聯牀笑語至夜分不寐老年兄弟姜被重溫爲
天倫樂事乃取眉山故事繪對牀風雨圖 阮宮保爲

刊三統術衍 公集跋胡氏詩傳附錄纂疏唐六如像
贊熊太夫人墓志銘儒林郎董君墓表作於是年又有
邵西樵懷舊集序王氏世譜序儀禮蒙求序陸豫齋家
傳不載集中

七年壬戌 年七十五歲

是年學使歲試新進童生例送入學公以六十年前博
士弟子備新生輩重謁

先聖先師禮成賦詩一章以紀其事 九月至長興旋至南
潯鎮觀劉氏桐藏書 是年有與王石臞論廣雅書元
史本證序拜經樓詩集序杜詩注釋序王冶山墓志銘

沈宿昭墓志銘汪對琴墓表皆不載集中

八年癸亥 年七十六歲

正月至青浦之北崧山訪何澹安先生就醫閏月復往
是時公感寒疾時作時止兩目益衰既屢以老病不支
力辭講席中丞鄂濟公岳起固留之未幾汪公復來撫
吳素與公交厚下車日未及接見僚屬卽顧講舍歡然
道故 攷定西遼傳世歲數 夏秋之間疾屢作 金
石文跋尾四集刊成 冬長興縣志成 十二月始刊
養新錄手定本凡二十卷後所得爲養新餘錄三卷
李許齋方伯爲刊洪文惠文敏陸放翁年譜 公集西

泚先生墓志銘敬亭弟墓志銘作於是年又有慕陵詩
臺序三松堂詩序吳柳門詩序寒碧莊宴集序重刊戰
國策序跋析里橋郝閣頌跋鄒南皋書趙文毅公傳跋
史通王實庵傳不載集中

九年甲子 年七十七歲

春到書院後仍患寒熱卽歸醫治閱二旬始得痊可病
中汪公常寓書慰問情甚殷拳公以中丞厚誼不忍再
言辭館病起卽赴吳門久之始得霍然 是歲江甯鄉
試向例停課公乃歸家時萊陽趙北嵐明府曾權知嘉
定縣事明府雅好金石執簡相招公久不赴親朋宴會

以欲縱觀明府所藏遂鼓興往展玩竟日并爲題記數
行樂而忘倦榜後復至書院 丁月二十日晨起盥洗
展閱一編飯後更衣雍髮校養新錄刊本數葉案頭有
中丞新詩屬公評定者公循誦再三謂所作有關名教
非僅詩人能事手書小箋報之俄覺勞倦命侍者扶掖
登牀適有門人孫公延晤談見公神色異於平時往告
監院監院遽達中丞中丞曰無妨也頃接手書精神不
減豈墨瀋未乾而遽有變耶卽命駕詣公榻前見公閉
目危坐急命左右灌以熱湯竟不復蘇時爲申正也先
祖輩適於數日前回家中丞卽令屬差役迅報先祖輩

聞訃匍匐奔喪卽於是冬扶柩歸里十年乙丑十二月
合葬王恭人於外岡鎮李十五圖火圩青浦王少司寇
爲撰墓志銘寧化伊太守秉綬分書勒石納於穿中十
二年丁卯四月奉

旨入祀鄉賢祠纂入

國史儒林列傳 卒年有馮補亭詩序石鼓文讀序九容
廣注序楊氏家譜序與張古餘書見嚴氏觀所著江寧
金石記汪崇陽墓志銘皆不載集中

先曾祖少詹事公所著廿二史攷異金石文跋尾十駕
齋養新錄三統術衍元史藝文志等書久已刊行傳世
公歿後先祖等與在院諸公校刊潛研堂文集養新餘
錄而祖姑夫瞿公中溶許公希冲初名又以金石文字
目錄公門人同邑李公賡芸以攷史拾遺王伯厚王元
美年譜補唐五代宋學士年表黃公鐘以元氏族表潛
研堂詩集先後付梓錢塘何公元錫又於日記中摘取
所見古書金石及書院策文彙爲一帙刻之題曰錢氏
日記鈔近年儀徵阮氏江寧汪氏海鹽吳氏復有恆言
錄四史朔閏攷聲類疑年錄之刻海內之願讀公書者

亦幾備矣而名公卿學士之訪求遺藁至於今猶未已也慶曾之生不及聞公警欬又十齡而孤於先世著錄撰述茫然不知所自比長稍有知識偶得手澤謹謹寶藏恭繕潛研堂全書以史傳擬稿及公之遺像像贊墓銘並冠諸卷首而公之年譜闕如不無遺憾因案先世行述傳銘及所聞於族黨長者輯爲一稿旣成而叔祖石橋先生檢出公自編年譜一卷受而讀之乃改削前稿其壬子以前恭錄原文而凡散見於詩文集及他書之可以互證者分記其下蓋公所不暇詳者皆後人所不敢略者也原文所偶人物書籍碑刻之屬又略加

詮注不知者闕之文集各篇作於何時有可攷者亦分記每年之末其癸丑以後謹爲續編以附焉道光辛卯冬日曾孫慶曾謹識

後學

嘉興陳其榮
平湖徐惟錕 謹校

